

卷

十

九八七六

廿

傳症彙編卷之十六

痘麻紺珠二症

新建邑庠熊立品聖臣甫編輯

姻姪夏廷儀位三較訂

姪世錫重珩校字

症治大要

程晨峰曰治痘之要始出之前宜開種解之門既出之後當
審其泄之路落痂之後清涼漸進毒已去盡補益宜疎此至
要之大訣也

張景岳曰治痘之要惟邪氣正氣二者而已凡邪氣盛而無

制者殺人正氣虛而不支者殺人及其危也總歸元氣之敗耳凡治此者但知補瀉二字用之無差則盡善矣然補瀉難容苟且毫釐皆有權衡必不可使藥過于病亦不可使藥不及病是以善用攻者必不致伐人元氣善用補者必不致助人邪氣務使正氣無損邪氣得釋能執中和斯為高手然執中之妙當識因人因症之辨蓋人者本也症者標也症隨人見成敗所由故當以因人為先因症次之若形氣本實則始終皆可治標若形質原虛則開手便當顧本若謂用補太早則補住邪氣此愚陋之見也不知補中則能托毒培根即能發苗萬無補住之理是以發源之初最當著力若不有初鮮

堯有終矣

萬羅田曰凡痘瘡用藥須分氣血虛實毒氣微甚而治之故
灰白者不起發者塌瘡者吐利者寒戰咬牙者手足冷者皆
氣虛也宜用補氣之劑瘡乾者不紅活者膿水少者皆血虛
也宜用補血之劑稠密者焮腫者紅紫者皆毒甚也宜用解
毒之劑陷伏者兼氣血解毒治之補氣宜用四君子湯補血
宜用四物湯解毒宜用黃連黃芩黃柏梔子連翹牛蒡子升
麻之屬俱用酒製以杜寒涼若欲行表少加桂枝他如紫草
山豆根葛根之類則不必用酒製矣

又曰凡用解毒藥要別臟腑分陰陽而用之如黃連解心火

黃芩解肺火梔子解肝火黃柏解腎與三焦火石羔解脾胃火木通解小腸火黃芩又解大腸火連翹牛子又解瘡毒火山豆根紫草又解痘毒火升麻解疫毒火又歲半已上屬陽心肺主事芩連不妨多用歲半已下屬陰肝腎主事黃蘗山梔宜少用之

程晨峰曰凡婦人有孕而出痘者必以安胎為主氣虛者保元湯而佐以歸地血虛者四物湯而佐以參芪或加白朮黃芩伏毛陳皮砂仁蘇葉一派安胎和氣之藥方為穩當

此君子湯

人參 白朮 茯苓 甘草 煨姜 紅棗 為引

四物湯

川芎

當歸

地黃

白芍

姜枣為引

保元湯

人參

錢一

炙草

錢一

肉桂

錢一

黃芪

錢二

三

再入好糯米

一撮或加人乳好酒半盞和服更妙

發熱論

熱也者陽氣也陽毒也發熱者陽氣發動也陽毒發洩也小兒痘疹胎毒內藏偶遇感觸斯從外出非熱不能出現非熱不能起脹非熱不能貫膿非熱不能結靨故痘瘡之終始不能無熱亦不可無熱也但熱貴其微不宜其甚蓋熱甚者毒

必甚而痘亦必重而多熱微者毒亦微其痘必輕而少無熱則不成不化此熱固痘之常也所以凡治痘疹不可盡除其熱若必欲盡除其熱則未有不戕陰症而敗者矣

發熱三朝辨症吉凶

一初發熱時身無大熱或熱或退神清氣爽唇鼻滋潤腰腹不疼自始至終皆飲食如常大便稠實小便清利而無雜症者吉不必服藥

一正熱者陽氣蒸薰自內達外手足溫而喜露頭面不惡寒其熱和緩時熱時退時有微汗人事清爽飲食有味二便如常則內外無邪不必施治

一初發熱時先發驚搐一二次而隨止者此痘出心經乃為吉兆不必治之若驚甚不止日發三五次或連日不止痘出多而密者凶

一發熱時吐瀉不甚而隨止者吉

一正發熱時或得大汗一身汗隨止而脉見稍平者吉

一初發熱時用紅帛條蘸麻油照之心窩中或遍身無有成塊而紅者吉

一發熱一日或遍身出齊或稠密如蚕種摸之不得手者凶

一發熱時口鼻或大小便俱失血者凶

一發熱時妄見妄語昏不知人者凶

一發時腹脹而痛大叫不止者凶

一正發熱三日之內其熱忽退而煩燥悶亂坐卧不安此外雖清涼內多實熱若見手足冷腹脹氣喘并死

發熱治例

一痘瘡于初熱時急宜用輕揚之劑汗以散之但使外感之邪臟腑之毒皆作穢汗盡從毛竅中出則毒氣已減其半而重者可輕危者可治矣即如痘中一切變症無非毒氣欲出之所為一經表散則毒從汗去而諸症亦必自退然又當審定正熱邪熱察表裏之輕重或宜解表或宜清裏或宜托而元氣孰急孰緩不可執一

一邪熱者風寒之邪自外而入拂鬱陽氣憎寒壯熱頭痛身疼此熱一發則必害正即以害症便不得不察其所見之症現屬何經即宜分經用藥速行表散

假如初起頭疼身熱腰背強痛屬太陽膀胱經也發熱有微汗者為風傷衛主用桂枝湯壯熱無汗者為寒傷營主用麻黃湯

假如渾身壯熱目痛鼻干不眠不惡寒口微渴者屬陽明胃經也主用葛根湯若兼四肢作冷屬太陽陽明兩經合邪宜桂枝湯加干葛

假如身熱頭疼耳聾脇痛寒熱嘔而口苦屬少陽胆經也主

用小柴胡湯

已上三陽經發表和中之劑俱因外感寒邪不得不急為表散然必察其身健能食陰陽無虧者方可直用若是陽虛者宜于所主方內加桂附參朮之類陰虛者加當歸地黃之類燥勝者加阿膠天麥門冬之類

若是三陽表症內兼太陽腑症必白微渴小便不利宜桂枝湯合五苓散分利小水

若兼陽明裏症必壯熱唇焦胸腹偏脹渴欲飲冷煩燥不惡寒宜葛根湯內加生地麥冬石羔以救津液

若兼少陽裏症必咽干口苦脇痛心煩宜小柴胡湯內倍黃

芩加花粉以清裏熱

若外有各經表症而邪入胃腑結滯擁塞大便堅硬舌胎乾燥漸加黃黑譫語妄言大渴飲水不惡寒反惡熱者乃主方內宜加大黃合表裏而雙解之

麻黃湯 治寒傷營血無汗者

麻黃 杏仁 桂枝 甘草

桂枝湯 治風傷衛氣有汗者

桂枝 芍藥 甘草 加飴糖名小建中湯

葛根湯 治風寒由皮毛而入肌肉用此解肌

葛根 白芍 甘草 加升麻名升麻葛根湯

小柴胡湯

治少陽胆經半表半裏者用此和解

柴胡

芍藥

黃芩

半夏

人參

甘草

五苓散

治少陽裏症用此導水清熱

澤瀉

白朮

茯苓

肉桂

朱苓

甘草

一凡解毒之藥必在紅點未見之前如熱之甚者邪毒必甚宜敗宜散或參蘇飲調三酥餅初熱時有驚搐譫語者是為痘搐微見而隨止者不必治若元氣強壯而搐之甚者宜羌活散調製過硃砂以表之若痰涎壅盛喉口作聲者且煎生薑湯調化痰丸服之或抱龍丸亦好

陳文中曰凡痘疹壯熱經日不除只用六味柴胡麥冬散治

之若身壯熱大便堅實或口舌生瘡咽喉腫痛皆瘡毒未盡也
也用解毒湯射干鼠粘子湯

程衣峰曰痘瘡前後凡有燒熱不退並屬血虛氣熱只宜四
物湯按症加減渴加麥門冬犀角汁嗽加瓜蒌霜有痰加貝
母橘紅切忌人參白朮半夏之屬倘誤用之為害不小蓋痘
瘡屬陽血多虛耗今但滋陰補血其熱自退此養陰退陽之
義也

敗毒散

人參 茯苓 柴胡 前胡 羌活 甘草 川芎

獨活 吉更 只壳 陳皮 姜棗引

參蘇飲

吉更 只壳 半夏 陳皮 茯苓 甘草 前胡

干葛 木香 水姜煎服

三酥餅 初發熱用以表汗解毒稀痘神效

辰砂

取明淨者以絹袋囊之用麻黃升麻紫草荔枝殼同煮一日夜研細仍用前湯飛過晒干再研細用真蟬

酥另調作餅子

麻黃

去節湯泡過晒干為極細末用真蟬酥另調作餅子

紫草

研極細亦用蟬酥另調作餅子

蠟酥

于端午日捉蟬取酥捻前三餅每餅加射香少許微炒

右方如遇時行痘疹小兒發熱之初凡三歲者將三餅各

取半餅熱酒化下蓋覆出汗或敗毒散煎湯化下 若痘
已出滿頂紅紫色此為熱毒之盛宜用紫草紅花煎湯或
化毒湯但只將辰砂紫草二餅調下少許以解之此方乃
解毒稀痘之神妙藥也

羗活散

羗活

川芎

防風

山梔仁

龍胆草

當歸

各等分

甘草

減半

淡竹葉

薄荷葉

水煎溫服不拘時

化痰丸

胆星

半夏

青礞石

製

枳實

各二兩

射香

三分

右為末姜汁為丸綠豆大硃砂為衣姜湯研化量服

抱龍丸

治風痰壅盛或發熱咳嗽驚搐等証

胆星

四兩

天竺黃

一兩

雄黃

硃砂

各五錢

射香

三分

共為細末

用大甘草一斤煮極濃汁搗丸每兩作二十九陰干姜湯

薄荷或燈心湯下此方加牛黃四錢即名牛黃抱龍丸加

琥珀即名琥珀抱龍丸

解毒湯

黃連

一錢

銀花

二錢

連翹

一錢

水煎服

射干鼠粘子湯

鼠粘子

四錢

荆芥

一錢

防風

五分

甘草

一錢

射干

一錢

水煎服

六味柴胡麥冬散